

(3)  
IOSEPHI GABRIEL. DE GABRIELY  
ALSATA-NEOBRISACENSIS,  
*DISSERTATIO*  
INAVGVRALIS-MEDICA,  
EXHIBENS  
FLUXUS ALUINOS.



---

VIENNAE,  
TYPIS JOAN. THOM. NOB. DE TRATTNERN,  
SAC. CAES. REG. AVL. TYPOGR. ET BIBLIOP.

MDCCLXXIII.

IOSEPHI GABRIEL DE GABRIEL

ALGATA-MORBISAGENSIS

DISSERTATIO

IN AUCTORITATE MEDICA

EX LIBRIS

ELIXIR ALUMINOS


307389 / 31







## DE FLUXIBUS ALUINIS.



### CAPVT I.

**I**dea Fluxus Aluini generalis habetur, si excrementa aluina excedant quantitate naturale lustramentum. Synonyma sunt: Aluus vel Venter profusus vel lubricus, liquefcens, humectatus, fusior, solutus etc.

Vsu vero obtinuit in Medicina, vt idem Fluxus, prout vel materiae efluentis quantitas diuturnitasue, vel modus differret et conditio, diuersis nominibus insigniretur. Iam enim excrementorum liquidorum copiosiore ac solito frequentiore per aluum euacuationem, sine torminibus ventris ab caussa interna excitatam,



adpellamus *Diarrhaeam*; iam Hypercatharsin, seu Superpurgationem, si in similem deiectionem eficiendam intestina diutius continuata purgantis actione iritentur: dolor notabilis et multa tormina, quae ventrem simili fluxu laborantis excruciant, mutato nomine *Dysenteriam* adesse manifestant: Sanguinis dissolutio indolens, referens colore loturam sanguinis, *Hepaticam*, Fluxum hepaticum, inducit, hepate ut plurimum simul adfecto: dum prima digestionis officina ita labefactata est, ut, quidquid ingeratur et quale, illud et tale loco excrementorum dimittat aut inconfectum aut non nisi semielaboratum, illud malum *Lienteria*, hoc *Coeliaca Passio* audit: denique *Cholera* venit, duplicem euacuationem, per os et anum, simul comitem habens; cuius illa tantum species proprie locum inter Fluxus Aluinos meretur, quae *humida* dicitur, altera, *sicca* nempe, ob absentiam solutionis alui nobis neglecta.

Diuersitas dictorum nominum, suis ex definitionibus probe intellecta, licet naturam cuiusvis morbi apte satis exprimat: tantum tamen abest, ut Medico praxin exercituro sufficiat: ut potius eum cum empyricorum plebe confundat, nisi adtenta simul mente et difficili quandoque iudicio eruere sciuerit praedominantis morbi causam; eum enim recte curaturum esse dicunt nostrae Artis Principes, quem prima origo causarum non fefellerit. Videamus igitur praecipuum earum catalogum.

## C A P V T II.

*De Caussis.*

Quoties quaecunque liquidum maiore quantitate intestinorum cauitate excipitur, nisi in interiorum corporis resorbeatur oeconomiam: toties viribus peristalticis, vel iisdem vel etiam auctis, illud expelli per anum necesse est. Hinc intelligitur triplex inprimis Fluxuum Aluinarum fons et scaturigo ita, vt, qui attenderit ad copiam humorum ibi conligendorum et qualitatem, ad impedimenta, quae resorptioni obponi possunt, et denique ad ea, quae viribus peristalticis adaugendis paria sunt, omnem facili negotio perspiciat modum, quo dicta excretio contingit; propius tum veram morbi ideam adsequuturus, si vltro perpenderit adcuratius

I. Copiam liquidorum in intestinis augeri  $\alpha$ ) ab ingestione aquosorum nimia;  $\beta$ ) a faciliore sanguinis in aquam dissolutione, mercurialibus, saponaceis etc. inducta;  $\gamma$ ) ab euacuationibus alijs imminutis, atque ideo adfluxu in has partes violentiore;  $\delta$ ) a conamine naturae, siue expellentis hostem quempiam, vt machinam conseruet sanam: siue vera crisi de materia morbi triumphantis: siue etiam eosque deuictae, vt, cui sub iugum mittendo



haud fuficeret, dimitteret pro parte quafi per infidias huc adlectum, potentius adgreffura diuifas copias, quas vnitas non poterat.

Atque ex hac ratione fuperfluae tantum materiae efectum eiusmodi excretionem effe, quiuis intelligit; verum eft etiam irritationis in his partibus factae. Non minus enim heterogeneum quoddam acre tubo intestinali infidens diluentes humores ex corporis reliqua maffa adtrahet, quam arenula in oculum lacrimas. Igitur miasma fufceptum, purgantia acria, bilis corruptae aut cibi durioris tantilla copia, calculus etc. idem, quod priores cauffae, poffunt.

II. Inpedimenta praecipua, quae abforbentibus vafculis obponi poffunt, partim obftructioni eorundem, partim fibrarum intestinalium laxitati adfcribenda funt. Obftruit autem glutinofa quaecunque humorum crasis, crufta aphtofa; et intestina, calore febrili exficcata vel fpafmo constricta, transmittendi nutrimenti virtutem perdunt, quam aequae perdunt relaxata nimis; vt et inde adpareat ratio, cur oleofa, potus calidi, mellita, faccharata atque fructus horaei aluum foluant.

III. Pleraeque ex praedictis cauffis, dum aut molem liquidorum simpliciter augendo, aut eorum reforbitionem folum vel fimul inpediendo agunt, hoc ipfo pariunt hic locorum ftimulum quemdam ad euacuationem abundantis huius faburrae; qui tamen eo femper erit vehementer.

mentior, quo illa fuerit acrior et quantitas maior.

Ita anxia caussarum indagatio firma et sola saluberrimae artis hippocraticae basis et fundamentum ab omni aevo fuit; neque vnquam boni plus praestitere Patres nostri, quam dum hac via hominum incommoda inuestigare coeperant. Verum haec Medicinae pars, vti ceteris nec vtilitate nec necessitate cedit: ita minime suis caret difficultatibus; ex tot enim tantisque causis, quae vnum eundemque producunt in aegroto corpore morbum, facilius vna ponitur, quae destruere valetudinem potuerit, quam, quae destruxerit reipsa, dici queat. Attamen solers, adcurata longaue praxi exercitata consideratio omnium, quae in machina hominis laesa contingunt, persaepe his in tenebris adfert lucem, quam inuenire alio nisi seueri ratiocinii adminiculo nequaquam humani tenuitas ingenii permisisset. Hinc est, cur ego, tironum vt industriae pro parte mea subcurram, omnia, quae circa praescriptum pensum sciri debent, quaeque ab summis in arte viris relictæ obseruataque sunt, ordine quodam conlegerim, vt inde firma diagnosis et prognosis nec non curationis superstructae fundamenta habeantur. Quare sequentium capitulum obiectum erit fusior deductio Fluxuum aluiorum differentiarum, admistorum, effectuum et prognosis. Curatio his reddita facilior vltimam absoluet paginam.



## CAPVT III.

*De Diferentiis Fluxuum Aluinorum.*

**M**ateria huius excretionis in multis difert ,  
et primo quidem COLORE  
*Subfuluo* , qui aluo naturalis est.

*Nigro* α) ex Meconio , diu ab infantibus retento ; prognosis non infausta , dummodo leni alui ductione purgentur intestina , aut si durius fuerit , iniectione diluente , resoluente promoueatur exitus. β) A Medicamentis , qualia sunt Cassia fistula , Polypodium , lapis Lazuli , Vina nigra , roob Sambuci , Iuniperi , Chalybeata et Vitriolata ; verum haec per se nihil designant. γ) Ab Sanguine nigro , qualis non raro aluum tinxisse visus est , dum ex praegressa narium haemorrhagia sanguis deglutitus grumofus contentis ventriculi conmixtus fuit. Hicce casus praeter generalia haemorrhagiarum nil denotat ; notam vero letalem praefert ille , vbi ex vena portarum per exesas venas meseraicas in intestina talis destillat et per aluum excernitur. Pariter in Coacis malum habetur , vbi corruptus humor foetensque ac splendens cum dolore dextrique hypochondrii tumore et colore icterico prodit ; hepatis enim exesa esse vasa et saniosa per ductum choledochum depluere indicat ; aut si ingrescat aluus cum sudore frigido , delirio , conuulsio-



uulfione fummaque omnium debilitate, anxietate et torpore. Ex dictis intelligitur veritas Aphor. 21. Sect. IV. *Excrementa alui nigra, sanguini atro similia, sponte euntia, siue cum febre siue citra febrem, pessima: et quanto ipsorum colores prauī fuerint plures, eo deterius etc.* Haemorrhoides vero vt et menses retenti, si excipiantur hoc fluxu, vt plurimum leuantur. δ) Ab *Atra Bile*. Nigricans deiectionis modica, sine multis torminibus, hypochondriacis et melancholicis rediturae valetudinis: copiosa, cum torminibus, in morbi principio, mortis indicium est. Vid. Hippocr. L. de Crisibus. Cum iudicio igitur intelligi voluit Hippocrates Sect. IV. Aph. 25. *Inferne vero niger (sanguis) si deiciatur, bonum.* Nam nullam, quae sua sponte mouetur, sanguinis atri deiectionem in bonis duxerat Aph. 21. 22. 23. eiusdem Sectionis. Et mirum reuera illud, quod dudum *Duretus* aduertit, quod haemorrhoeicus ater sanguis tot commodis beet aegrotum et idem deiectus augeat multis damnis, quamque mouet nigram deiectionem pharmacia conuenienter praescripta, salutem reducat, vix vnquam a spontanea sperandam.

*Albo*; hic aluo inducitur α) a Chylo cum faecibus exeunte. Caussae Lienteriae atque Coeliacae Passionis cognitae, et quid sit iudicandum et quod malo obponendum sit remedium, adtendenti demonstrabunt. β) A bilis defectu, qui duplici modo accidere potest;

vel enim non secernitur vlla penitus bilis: vel secretae exitus in debitum munus perficiendum praecluditur. Primum debetur vitio sanguinis ad secretionem inepti, proindeque Cacochymiae, a qua propria species icteri dependet, suis cognoscenda signis: alterum spasmis, obstructionibus, inflammationibus aliisque malis localibus vel in hepate vel in ductu choledochi vel in vicinia harum partium contingentibus. γ) A Pure faecibus commisto. Praegressa longa dysenteria, quae excoriat, vulnerat, inflammat internam fistulae intestinalis tunicam, et post diros ac persistentes ventris dolores pus aliquando nascitur, unde aluus excernitur purulenta; et quidem recto insidere vlcus patebit, si pus excrementa praecedat: si subsequitur, altiore loco. Ex dolore locali adfecta pars designabitur, et curatio abstergentibus, antisepticis, consolidantibus cum diaeta adpropriata perficietur. Per metastasin non raro pus ad intestina ducitur; subinde febris ardens in subpurationem conuersa leuatur pure per anum expulso; attendendum tamen, quod ex admistione biliosorum praesagium faciendum sit periculosum. Ex abscessu qualicunque purulenta sedes, siquidem infra diaphragma haereat, melius, quam si supra, aut plane ab extremitate partium regurgitans, aluum soluat. δ) A Pituita; haec faecibus admista difficulter a pure distinguitur; color tamen magis pallidus huius indicium prae-



praebet. Pituita haec alia est 1. *Adsumtorum*, cui generandae fauent tenacia, glutinosa, farinosa, inprimis si viscera simul laxitate et bilis peccet inertia; diagnosis facilis et cura expositis indicantibus desumitur: 2. *Nostrorum Humorum*, quam debilis solidorum compages hincque nata fluidorum inertia inducunt: 3. *Morborum Acutorum*; materies morbi phlogistica, qui nonnunquam casus Ardentis est, ex defectu virium nec apte adtenuatur satis nec in pus conuertitur, vnde tum, quae alba fit aluus, fausti adhuc ominis; virium lapsus indicat cardiaca grata, lenia stimulantia: 4. *Muci Intestinorum*; dysententeria vel acris ichoris stillicidium continuum abradere mucum intestinorum solent, qui excretus speciem membranae vel portionis intestini refert; restitutio muci et correctio saniei transfudantis et loci laesi consolidatio medentur. ε) Ab Adipe albus alba reddita Tulpio bis visa fuit.

*Rubro*, qui ab sanguine habetur. In acutis inflammatoriis aluus nonnunquam cruentatur α) circa Crisin, bono omine, vt et in inflammatione Abdominis atque Capitis: β) in *Acutis malignis, erysipelatosi* sanguinem aluo prorrumpere malum Hipocrates pronunciauit, vti et γ) in *omni Humorum corruptione*; id enim tum non cum corrupti correctione, adeoque sine leuamine, contingit, quin potius indicat, maiorem iam hinc inde fieri vasorum erusionem aut desperatam totius massae dissolutionem; tales mali

omi-

ominis casus sunt Quartana, Scorbutus, Caco-chymia omnis et purulentia: δ) a *simplici Vasorum ruptura* periculum eo vrgentius, quo vas ruptum est maius, aut si sanguis continenter depluit per hepatis iam exesa vasa: ε) ab *Sanguine deglutito*, de quo casu supra ex narium haemorrhagia dictum fuit: ζ) ab *Haemorrhoidibus*, de quibus speciatim tractari quum soleat, earum theoria consulenda.

*Flauo* vel bilioso: 1. Flava aluus *boni* omnis esse solet α) post nauseam, cibi fastidium, anxietatem praecordiorum et vrinam flavam emissam; β) in leui delirio, inquietudine, vigiliis, colore faciei subflauo, surditate. Vid. Hippocr. Aphor. 28. et 60. Sect. IV. et Coac. titulo Deiectionum: γ) in pleuriticis, si vel sponte vel purgante ex toto corpore vel primis viis corrupta bilis educatur. 2. *Mala* vero est, si, vt signum corruptae bilis abundantis, nullum ab euacuatione leuamen adferat; quae saburra si cerebrum petit, in ingens aegrum discrimen praecipitat. 3. Ab Adsumtis quae talis redditur, vt Cassia, Rhabarbaro, Aloe, Manna &c. nec mali quid nec boni praefagit.

*Secunda diferentia petitur ex ODORE.*

Volatile quoddam principium, inmixtum nostris humoribus, odorem faetidum, proprium et singularem, faecibus largitur. Foetor igitur naturalis est; sunt tamen et in hoc diferentiae, quae Medicum latere non debent.



*Fætur*  $\alpha$ ) ab Adsumtis, quorum odor actione corporis mutari nequit; allium, caepae &c. huc pertinent:  $\beta$ ) ab Retentione longiore penetrantior, in aluo diu obstructa obseruandus; praeter hanc et eius causas aut sequelas nihil mali latentis designatur:  $\gamma$ ) ab Liquoribus in corruptionem abeuntibus et ad intestina adpulsis, signum putrefactionis.

*Odor nullus*, dum ingesta vel cito nimis canalem transeuntia expelluntur, vt in Lienteria; vel corpus est nimis debile, vt in Infirmis; vel humores principiumque illud foetidum in intestinis, quibus id naturale est, retinetur; vnde semper malus, infantum si excrementa, naturaliter inodora, excipiantur.

*Tertia differentia desumitur ex CONSISTENTIA.*

Mollis, compacta, configurata, intime mista naturalis est aluus; liquidior autem aut durior praeter naturalis haberi solet; de liquida dicetur.

*Liquidior*, aquosa, cum aequali ingestionis quantitate et sine purgante adsumto, contingit  $\alpha$ ) Absorptione languente vel deficiente (Vid. C. II. N. 2.); caro, lethargo ventrisque tumore laborantibus saepe mittitur, pessimo praesagio:  $\beta$ ) in *Humorum Colliquatione*, tumque ita dicta Aluus Colliquatiua adest; nempe vbi post morbos diuturnos, et inprimis post subpurationem viscerum aut longum hydropem in liquamen soluti humores per aluum copiosi ruunt, frequens phtysicis, consumtis, hydropicis, et

mor-

mortis aduentantis prodromus; in acutis morbis diurnitatem praesagit: γ) in Abundantia Aquae; in principio hydropis, si venter simul detumescat, siquidem euacuatio aquosae colluviiei hic semper est salutaris, bona iuxta illud Hippocratis: *In aqua intercute detentis si aquosus humor per venas in aluum aut vesicam efluat, solutio contingit.* Vid. L. de Crisibus: δ) ab Acri ad intestina delato cui tormina ventris ac dolor perpetui comites iunguntur, abitura, quamprimum illud fuerit expulsum.

*Durior*; huc illa inprimis pertinet, quae Caprina dicitur, a cellulis intestinorum, iusto magis arctatorum, hunc in modum configurata, mali adeo ominis in Colica Pictonum. β) Dein quae *Hydropem confirmatum* concomitatur, tanquam signum aquosi feri alibi adcumulati et summae solidorum ficcitatis; mala est in hydropes non minus ac in tympanitide. γ) In *Acutis densitatis humorum atque exsiccationis indicium*, adeoque febris multum adauctae. Suspecta igitur et liquidior et durior; sed liquida quae erat, condensari, aut quae durior, mollescere in speciem pultis debet, ut bona speranda sit crisis. δ) In Vesicae inflammatione mala, nisi succedat vrina multa, purulenta cum albo et laevi sedimine. Ceterum si animum ad ea, quae ab retentione mali et ab compressione duri huius heterogenei fieri possunt, adplicemus, effectus pessimi a duritie alui dependentes absque difficultate patebunt.

Quar-



*Quartam diferentiam exhibet* QUANTITAS.

Naturalis aluus circiter quatuor aut sex vnciarum quotidie ponitur. Quantitas *maior* constituit alui Fluxum, dissertationis nostrae materiem: *minor* adstricta dicitur, estque cum vel sine tenesmo. Haec, quamuis a penso nostro aliena videatur esse ac reipsa sit: operae tamen pretium existimamus, eius causas breuibus perstringere effectusque praecipuos subnectere.

Adstrictam igitur aluum reddunt  $\alpha$ ) Defectus materiae in ieiunio, fame:  $\beta$ ) Resorbtio maior; tales casus subpeditant morbi inflammatorii, febres acutae, variolae; aluus laxanda diluentibus, resoluentibus, emollientibus, nisi fiat ob crisin:  $\gamma$ ) Motus minor; laxi, debiles, frigidi, leucophlegmatici, hydropici ab hac causa laborant; purgantia acriora, stimulantia his prosunt, ut exoneretur bis terue; ultimo robur intestinis addendum:  $\delta$ ) Muci absentia in subiectis hysteris, hypochondriacis; lubricantia, anodyna, neruina indicantur:  $\epsilon$ ) Compressio tumorum adiacentium vel externorum in grauidis, herniosis, vulneribus ventris, calculo, inflammatione, tumore vesicae vel perinaei; causa comprimens auferenda:  $\zeta$ ) Contractio intestinorum spasmodica, inflammatoria, scirrhusa vel nata ex compressione externa diuturna:  $\eta$ ) Obstipatio ab excrementis durioribus et compactis; diluentia clysmata-

clysmata, resoluentia et lubricantia vel etiam purgantia, laxantia excretionem promouent.

Efectus ab aluo adstricta diuturna timendi sunt: dilatatio intestinorum, vnde dolor et vicinorum compressio, putrilago retentorum, quae vasis recepta absorbentibus in totam redundat massam; pessimorum hinc morborum, praecipue capitis, intellectus habetur.

---

## C A P U T I V.

### *De Admistiis.*

**C**apite hoc recensendae veniunt diuersae admistiones, quae in faecibus aluinis non ita raro inueniuntur. Hinc aluus.

I. *Meraca*, quae ex mera commistione cuiusdam heterogenei nomen adquisiuit, semper damnata Hippocrati, aut exacerbationem aut protractionem morbi aut desipientiam designans. Tales sunt: biliosa, pituitosa, chylosa, sanguinea, de quibus videatur Cap. III. Verum *Pinguis* sequentia notatu digna offert: Deiectiones pingues in genere malas esse: nam siue a pinguibus ingestis, siue a pinguedine fusa et ad primas vias detrusa ortam consideres, siue spumosa: nunquam erit, quod laudes; in *primo* saponacei principii defectus, adeoque virium non satis subigentium debilitas, arguetur: in *secundo*, ob inpetum humorum per vasa mesenterica



raica ruentium, conliquatio: *spumosa*, reiecta omnibus: in acutis, in febribus conliquativis et biliosis, in acrimoniis et intestinorum pituita, in dysenteriis; neque id sine ratione; nihil enim motus intestinorum perturbatus et vehemens, quo fortiter miscetur aer humoribus reliquis, atque materiae biliosae, pinguis, chylosae, agitatione in spumam cogendae, praesentia boni, quod praevideas, quid habent.

II. *Varia*, priori obposita, saepe non melior, nihilominus multum distincta est alius, quam diuersa non bene mista, faecibus tamen inhaerentia, constituunt; nempe: α) *Membranae*; humores nostri subinde ita concreescunt, ut membranae formam induant; pituitae praeterea tenacis et aphtarum deciduarum sequela sunt. Clysmata abstergentia, leniter euacuanti utiliter adhibentur. β) *Grumi*, de quibus V. Cap. III. γ) *Carunculae*, quae pari modo a muco concreto vel pure vel glandulis intestinorum induratis et emissis originem trahunt. In dysenteria carunculas emitti letale Hippocrati fuit. δ) *Calculi*, vel nati ex materia concreta in cryptis intestinorum multa terra impraegnata, vel in ventriculo et intestinis, quod nonnullis animantibus solemne, in homine rarius contingit; vel dum calculus vesicae felleae per ductum choledochum emissus eiicitur. ε) *Insecta*; anguillulae, lacertae, scarabaei, vermes adsumti cum ingestis aut ex deglutitis eorum seminibus exclusi, frequentes pueris pituitosisque; ce-

B

terum

terum ad iudicationem quandoque non parum faciunt.

---

## CAPUT V.

### *Effectus Fluxuum Aluinorum.*

**S**equelae a continuata post expulsos superfluos et noxios humores alui excretionem multiplicem constituunt seriem morborum;

I. *Immediate in intestinis*:  $\alpha$ ) dum ex adaucto motu peristaltico continua remanet consuetudo aluum deponendi, vel plane sequitur Lienteria:  $\beta$ ) dum exoriantur, ut a derafo muco dolor, ventris tormina, tenesmus, ani procidentia, inflammatio, exulceratio, sphacelus, dysenteria sequantur.

II. *In tota Humororum massa*:  $\alpha$ ) ex defectu boni succi violente detracti detrahitur corpori naturale nutrimentum, ceteris euacuationibus inminutis; unde corpus bonis priuatum, malis tamen saepe humoribus infarctum atrophiam macies, hippocratica facies defigurant; vasa minus distenta conseruando calori naturali minus apta euadunt, sublequitur horror, rigor, oris, siccitas, difficultas deglutationis, et vrina parcius magisque colorata meitur; grauidae abortus, puerperae lochiorum et lactis iacturae periculum incurrunt:  $\beta$ ) ex Abundantia Lymphae: immoderata alui deiectione dum boni exhauriuntur



untur humores, difficulter aut noui inquilinorum naturam induere possunt aut residui conseruare; vnde tandem fit, vt facilius deliquescentes, minus pressi in laxatis solidis subsistant; nascitur inde hydrops, leucophlematia, tumor oedematosus, purgantibus male curandus:  $\gamma$ ) ex Corruptione, quae fit, dum deficiente succo inquilino, sano ingesta, quae in nostram naturam verti nequeunt, vel in viscidum vel in putrilaginem degenerant; sic communicatur massae Cacochymia qualiscunque, superueniunt foetor, nausea, hectica febris, phthisis, pustulae, scabies, exulceratio pulmonum, vel ex acrimonia dolores variarum partium, subinde cum calore, nonnunquam cum frigore.

III. In *Solidis*:  $\alpha$ ) Enervatio, flacciditas, languens in fluida actio;  $\beta$ ) Motus inordinatus, a quo suffocationes et intestinorum conuulsiones, murmura, inflationes, nausea, singultus, tremor, cordis palpitatio, et quae alia ab inanitione vasorum &c.  $\gamma$ ) Consensus partium cohaerentium aut etiam dissitarum; difficilis deglutitio, linguae inflammatio, angina, dyspnoea, singultus, vomitus &c. inde frequentes.

IV. In *Spiritibus Nervorum* quantitate imminutis; metuenda ab his malorum strages! debilitas videlicet, sudor conliquatius, aucta periculi gravitate deliquium animi, absentia doloris, adypsia, surditas, sopor, maeror, ira, delirium atque tandem, miseris exoptata illa omnium aerumnarum meta, mors.

## C A P U T VI.

*Prognosis.*

**H**aec vt ex arte describatur, requirit regularum notitiam adaequatam, quae Aluini Fluxum permittendum, cohibendum, promouendum excitandumue docent. Quamobrem in considerationem ducendus primum status *Sanitatis*, in quo quidem, praeterquam quod multis certo tempore sit consuetus, obcurrunt fequentia:

*Aetas:* α) Infantibus frequens diarrhaea et cholera tempore dentitionis, iis praecipue (Vid. Aphor. Hippocr. 25. Sect. III), qui habitu corporis crassiusculo sunt, atque caninis dentibus prorumpentibus; fertur cum leuamine symptomatum, conuulsionum scilicet; hinc praesens conservanda, ni adsit, prouocanda, nimia moderanda. β) Puerilis aetas, infarcto ventre plerumque laborans, lienteria saepe corripitur, superanda resoluentibus et relaxantibus. γ) Iuuenes virique facile ferunt aluum liquidum et purgantur; hinc iis quoque diarrhaea, teste Hippocrate, frequentior δ) difficulter vero senes ob vires aliunde debilitatas.

*Tempus Anni:* α) Ver ob calorem non admodum magnum et largiorem ceteroquin perspirationem diarrhaeae minus est ferax: β) Aestas, calore suo humorum putredinem promouens,



**movens**, praegresso inprimis vere pluuiio, perspirationem suffaminante, cholerae ac dysenteriae admodum fauet; vere tamen sicco praegresso cholerae potius siccae obseruantur; eodem modo  $\gamma$ ) Autumnus, vegetabilium diues opum, ob calorem, humiditatem, qua Sanctorii perspiratio inhihetur, vel ob corruptelam, quam corpori infert.

**Status:**  $\alpha$ ) Grauidae alui profluuiio laborantes, quo foetui detrahatur necessarium nutrimentum & conamina haec ad inferna diriguntur, in abortus periculo versantur.  $\beta$ ) Puerperae, ex partu praegresso et lochiali fluxu nimium debilitatae, solutam aluum difficulter ferunt; lochiis autem subsistentibus, nec hanc nec purgans, purgamentis vterinis hoc modo impeditis, nisi illam vicario munere quidquam boni praestare velis.  $\gamma$ ) Balbis iuxta Hippocratem frequens est profluuium aluinum, fortassis ob saliuam deglutitam.

**Status MORBOSUS** plura adtentione digna offert, quorum praecipua nobis delibanda, vt patefcat, an spontaneus, an artificialis alui fluxus conducat; et quidem

**Ratione Liquidorum:**  $\alpha$ ) ab Aere in intestinis occluso, ea in inordinatum motum cogente, vt adparet in ructu, flatu; saepe reliqui humores alliciuntur et allekti expelluntur, quod iam Hippocrates memoriae reliquit. An ergo ructus &c. directe purgans exigunt? Hystericarum sane, melancholicorum ac tympanitico-

rum exempla contrarium euincunt.  $\beta$ ) **A Cru-**  
 ditate succorum in cacochyliā, feliciter prae-  
 scripto euacuante tollenda, quod in cacochy-  
 mia aut cachexia non accidit; nisi illud ea ra-  
 tione salutare dixeris, quod aliqua peccantis  
 materiei quantitas subducatur, omnibus dein  
 artis auxiliis in correctionem morboſi et nutri-  
 tionem meliorem perficiendam adplicatis.  $\gamma$ )  
**A Lympha:** in hydrope et oedemate fluxiones  
 alui, tumorem imminuentes corporis et robur  
 augentes, bonae; quae vero fiunt ex obſtru-  
 ctione pertinaci glandularum meſeraicarum,  
 colliquatione humorum et vaſorum atonia,  
 praesens discrimen designant.  $\delta$ ) **A Pituita:**  
 dum viribus auctis viscidum soluitur et expel-  
 litur, salutare; verum alio fluente illud non  
 minui, ac vltro vires deiici, malum. Reso-  
 lutione igitur prius tentata, purgantia, dein  
 roborantia et stomachica cum diaeta congrua  
 malo feliciter medebuntur.  $\epsilon$ ) **A Bile:** con-  
 gesta bilis in primis viis aut in vesicula fellea  
 aut in ductu choledocho educenda semper, pro-  
 ductura alias dysenteriam pessimam aliaue mala.  
 Attamen hepate morboſo laborantibus purgan-  
 tia saepius nocent, quin ipsa spontanea de-  
 iectio, exesis scilicet iam vasis et colliquato  
 iecinore. Ab atra bile turgente et per intesti-  
 na ruente qui per aluum fit fluxus, saepissime  
 incurabilis est.  $\zeta$ ) In Acrimonia acida idem  
 perseverans et copiam denotat crudorum et  
 viscerum debilitatem; iuuamen ab antacidis,



roborantibus.  $\eta$ ) In Putrida: foetida, splendentia, meraca ano exire in acutorum fine letale; purgans tum datum pessimam hypercatharsin inducit.  $\vartheta$ ) Catarrhus, praesertim a retentione insensibilis perspirationis, primum videtur a purgante leuari, tum exasperatur.  $\iota$ ) Non minus damnantur purgantia in scorbuto frigido; magis enim debilitant, neque corrigunt nec expellunt vitiosum, suis specificis domandum.  $\kappa$ ) In subpuratis modicam adesse alui fluxionem salutare; interimit vero liquida vel purulenta, nisi ex abscessu sit primarum viarum aut conliquata nondum penitus massa, in quo casu pus salutarem hanc sibi viam inuenisse constat. Parotide vel empyemate laboranti purgans medicamen pessime praescriberetur, vti & iis, quibus purulenta spuuntur; subprimitur enim materiae nocentis eliminatio.  $\lambda$ ) Tabidis eodem modo et ob eandem rationem pessima eadem excretio, designans colliquationem et virium summam inducens debilitatem.

Circa Euacuationes alias in vniuersum obseruandum maxime, num alia euacuatio ab aluo fluente sit inminuta aut plane subpressa; tum an augeatur vel similis permaneat naturali. In specie:

I. *Sanguinis*:  $\alpha$ ) Haemorrhagia narium copiosior per sectionem venae subpressa purgationem exposcit;  $\beta$ ) Alui ductio sanguinis quemcunque efluxum, quatenus infringere in-

petum valet, eundem minuere aut sistere potest.  $\gamma$ ) Nocet vero sponte oborta in illis haemorrhagiis, quas acrimoniae et conliquationes inducunt.  $\delta$ ) In haemoptoicis reseratio alui mala; in haemorrhoidibus bona, omnis tamen aloeticis.  $\varepsilon$ ) Menses rite fluentes purgante turbari non debent, suppressi quandoque reuocari. Idem ferme in lochiis verum est, nisi quod subpressa minus ferant purgans; nam diarrhaea puerperis infesta esse solet.

II. *Vrinae*:  $\alpha$ ) Si non procedat vrina, et multa in primis viis cruditas adsit, facilius ducitur purgante quam diuretico.  $\beta$ ) An diabetes curandus sit purgante, non caret dubio.  $\gamma$ ) Quibus noctu copiosa contingit mictio, his modica egestio alui significatur. Vid. Aphor. Hippocr. 83. Sect. IV.

III. *Sudoris*:  $\alpha$ ) hic cum alui fluxu semper malus.  $\beta$ ) Minuitur quoque et retardatur insensibilis perspiratio ab eodem ac purgante; cauendum igitur in rite perspirantibus aut sudore critico, ne alius ducatur, opus naturae perturbatura.

IV. *Salivationis*: Ptyalismus purgante et deiectione aluina sistitur, sed malignus humor hoc modo retentus et medicamentum tormina excitant.

V. *Sputi* subpressio pariter cum aegri damno iisdem sistitur.

SOLIDA, vel in nexu vel in motu considerata, haecce notanda suppeditant:

I. *Nes-*



I. *Nexu*:  $\alpha$ ) In vulneribus raro aluus du-  
cenda; necessitatem etiam secundae venae ac  
vicem haemorrhagia, vulnerum comes, ple-  
rumque subplet; hinc etiam illam, cui ad in-  
minuendum impetum humorum conferret alui  
ductio. Phlebotorne enim et purgantia nimis  
tum debilitato corpore curationi obessent.  $\beta$ )  
In Contusionibus et Combustione vero antiphlo-  
gisticis aluum fluentem reddere proderit;  $\gamma$ )  
proderit quoque in rigiditate, non vero in la-  
xitate.

II. In *Motu maiore* duplici modo optatum  
finem consequuntur hae euacuationes: deri-  
uante nempe et caloris vim temperante. In  
acutis tamen  $\alpha$ ) lienteria mala;  $\beta$ ) diarrhaea  
post anxietatem et rigorem bona, si leuamen  
adferat;  $\gamma$ ) ardentes in senibus saepe iudican-  
tur fluore alui;  $\delta$ ) dysenteriae cum febris, vel  
cum variis alui egestionibus, vel hepate ob-  
structo vel praecordiis, et quae multum dolo-  
rosae sunt et cibos intercipiunt aut sitim faciunt,  
Hippocrati malae.  $\epsilon$ ) Aluus pura superueniens  
febrim acutam soluit cum sudore.  $\zeta$ ) Ad eius-  
modi egestionem insuper sudantibus febris exa-  
cerbatur; ab iisdem perfrigeratio cum sudore  
mala.  $\eta$ ) In acutis putridis et malignis aluus  
fluida saepissime mala.  $\theta$ ) Pleuritides et Pe-  
ripneumoniae alui fluxu exasperantur et pur-  
gante; metastasis enim contingens mala semper.

III. In *motu minore*:  $\alpha$ ) Viribus ex abun-  
dantia humorum subpressis fluxus aluini et pur-

gantia egregia;  $\beta$ ) verum nocent in eorundem et spirituum defectu vel laxitate solidorum.  $\gamma$ ) Purgans stimulo et vi resolvente leuamen certo adfert, dum viscida fluida languorem circulationis efficiunt.

IV. In *Motu inordinato*:  $\alpha$ ) Conuulsionem ex consensu modica solutio alui vel mitigare vel praeuenire potest.  $\beta$ ) Conuulsiones dentitionum aluina subductione minuuntur; Sydenham tamen choleram in dentitione purgantibus exasperatam vidit.  $\gamma$ ) Obstructione viscerum laborantes purgante dato conuelluntur quandoque.  $\delta$ ) Conuulsio a cerebri compressione sopitur purgante et alui fluxu.  $\epsilon$ ) Hystericarum symptomata ab iisdem excitantur; nihilominus tamen laxa alui seruanda lenioribus simulque virtute neruorum sedante turbas praeditis.  $\zeta$ ) Singultus ab acrimonia intestinorum conpescitur purgante anodyno.

FEBRIS  $\alpha$ ) quaelibet indiscriminatim curari alui fluxu et purgante nequit; causa enim non tollitur; a commotione autem corporis et educatione boni succi aeger peius habere potest.  $\beta$ ) In acutorum principio aut etiam progressu, vbi haud sedandi vomitus, nauseae, siue dysenteriae pertinaces, siue vterque simul iunctus adfectus esset, feliciter Magnus Professor de Haen (Vid. Rat. Med. Tom. II. Cap. I.) purgantia aut emetica adhibuit, mox dato sub finem paregorico, sicque tumultus a materia putrida, his signis conspicua et  
tur.



turgente, excitatos optime conpescuit. Ceterum haecce in fine morbi data inducias paciscuntur fallaces et nouam quantocius febrem incensuras. Fluor vero aluinus nunquam sistendus, siue criticus sit siue etiam symptomaticus, qui vltimus casus nil habet, cur metuatur, quum sit nonnisi expurgatio materiae morbificae per systema meseraicum vtilissima; ad summum regulae artis verae debilitantis moderamen suadent.  $\gamma$ ) Intermittentes, repetito alui fluore decurrentes, si saburrae signa adsint, exposcunt euacuationem; si non, in diuturnitatem abeunt aut in hydropem; a purgantibus autem in fine praescriptis recidiuae peioris periculum.

#### Ratione PARTIUM:

I. *Capitis*:  $\alpha$ ) Cerebri compressio quaeuis, apoplexia, coma, carus, lethargus, cephalalgia, concussio cranii, humor acer haerens in cranio, impetus circulationis ad caput maior mitigantur alui fluxu vel purgante;  $\beta$ ) item morbi oculorum plurimi;  $\gamma$ ) oris raro; sic aphtis non conducit nisi in fine, crusta iam separata.  $\delta$ ) Surditatem in acutis superuenientes alui deiectiones biliosae tollunt, subsistentes iterum saepe reuocant.

II. *Pectoris*:  $\alpha$ ) In dyspnoea, asthma, pleuritide, tussi, dolore pectoris nec alui fluor nec purgans conuenit, nisi fiant hi morbi ex cacochoylia; in pleuritide tamen et peripneumonia aluus biliosa, pultiformis, leuans potest esse critica et leuans.  $\beta$ ) Anginosus et in bronchecele conueniunt.

III.

III. *Abdominis*:  $\alpha$ ) *Ventriculi*: in anxietate, cardialgia conducunt alui fluxus vel purgantia, si causa sit cacochylia, secus raro. In visciditate, cruditate, adpetitu vario, in morbis laterum et partium adiacentium consensu iudicio practico opus.  $\beta$ ) *Hepatis*, lienis, omenti adfectiones ob viam facilem, qua malignis humoribus exitus datur, saepe tolluntur.  $\gamma$ ) *Intestinorum*: 1. adfectio coeliaca et lienteria, vbi dependent ab acrimonia vel superflua ingestorum mole, qua sensilitas intestinorum nimis iritatur, exigunt utique horum euacuationem; 2. colicae illae species, quae sunt cum materie, deiectioni aluinae potissimum obediunt; in colica autem Pictonum purgantia non satis tuto praescribuntur (Vid. Dissert. Magnif. de Haen de colica Pictonum A. 1745. Hagae Comitum editam et Rat. Med. Tom. III. Cap. 2. item Tom. X. Cap. 1.). 3. In adfectione iliaca ab aluo reserata praesagium felix, item in enteritide a dysenteria subcruenta. 4. Cholera recentem diluentia et inuoluentia egregie mitigant, utpote quibus et aluo conseruatur fluxilitas et hostis expellitur, sed quae a dentitione aut crapula infantes adoriebatur, curationem per largam liquorum potationem aut cathartica Sydenhamo tentatam non admisit (Vid. Sydenham Process. integr. de Cholera morbo). 5. Haemorrhoides caecae plethoricorum et atrabiliariorum et quae a duritie faecum protruduntur,



tur, ab aluo aperta et eccoproticis leuamen percipiunt. 6. Diarrhaea febrium symptomatica aliquando leniori obaudit purganti, ceterum non raro morbus per se est, dentientibus, morbis capitis, oculorum, aurium etc. perquam salutaris.

IV. Systema vropoeticum ob viam minus patentem raro subductione aluina indiget; nephriticos tamen aluus blande laxa iuuat.

V. Generationis organa suis adfecta morbis eandem persaepe exposcunt et leuantur. Gonorrhaeae exempla id confirmant.

VI. Quae autem extrema corporis integumenta obsidere mala consueuerunt, vt pustulae, variolae, pruritus, scabies, scaturigine morbi primis viis inhaerente, tentantur solutione aluina, secus non adeo tuta ob malam, quae timenda esset, metastasim.

Ratione MENTIS:  $\alpha$ ) delirium, ab inflammatione meningum, motu ad caput aucto et mala metastasi ad cerebrum deposita ortum, requirit alui fluorem, dummodo hac methodo reuocetur impetus aut detrahatur morbosus ab encephalo humor. Hinc damnandae in phraeniticis albae per aluum fluxiones. In virium debilitate sensuumque, in desipientia male conuenit alui fluxor vel purgans.  $\beta$ ) Sopor quandoque eundem cum euphoria fert, quandoque non; circa quam rem obseruationes sequentes notandae: soporosis liquidas alui deiectiones pessimas, et quibus sopor fit, spumosis ano pro-

prodeuntibus, his exacerbari febrim acutam, adeoque deiectiones mali moris, pessimi ominis.

De hoc fluore ab caussis externis excitato sequentia nota:  $\alpha$ ) Contagium materiae per aera dispersae susceptaeque directiore via diaphoresi, quam hac, expellitur; contrarium ferme habet virus per attactum coinquinans, vt materia luis venereae.  $\beta$ ) Medicamenta: purgantium limitata et mediocris dosi hypercatharsin saepe mouet phthysicis, visceribus corruptis, in diarrhaea, cholera, atra bile turgente, aut quorum humores putredinis noxam contraxere. Mobilibus ex minima dosi saepe torminosa aluus. Ab helleboro conuulsio Hippocrati letalis dicta. Hypercatharsi conuulsio aut singultus superueniens malus, senibus vero exitialis.

---

## CAPUT ULTIMUM.

### *De Curatione.*

**C**uratio dictorum Fluxuum generalis hisce ferme tota absoluitur; vt primo vires expellentes adauctae et iritatae reprimantur et sedentur; vt secundo, quae retinentium aut laesa aut sublata potestas est, quocunque id aptissimo fieri modo possit, reparetur.

Ergo I. Peristaltica vis adaucta decrescet et sedabitur, si  $\alpha$ ) adiuuabimus naturam, vitiosa



tiosa eiicere conantem, diluente potu, oleoso, blando, refrigerante, qualem suppeditat aqua pulli, serum lactis, infusum maluae, decoctum oryzae, hisque tamdiu continuatis, donec a materie noxia sufficienter expulsa nullum deinceps viribus vitalibus imminere periculum patefcat.

β) Si ultro causam nocentem e ventriculo, per vomitoria ex intestinis per cathartica lenia educamus; accidit enim aliquando, vt deiectione aluina vi materiae morbificae proritetur tantum, frustra que ad laborare videatur natura, vt, quod acredine vellicat, eliminat. Accedit, quod minus defatigentur aegri per deiectionem copiosam a cathartico per aliquot horas excitatam, quam per repetitam quavis hora noctu et interdiu, paucam licet, deiectionem. γ)

Multum quoque boni praestabunt non solum diluentia et laxantia potu adsumta, sed etiam clysmata emollientia. Acre his obtunditur, diluitur, viae simul lubricantur; hocque modo phlogosis, tensio, spasmi insigniter sedati commodiorem reddent euacuationem. δ) Sed quia conatus inmodici, assidui; dolores et tormina, noctu etiam discruciantia, plurimum aegri vires exhauriunt; ob hanc rationem eae nocte quavis saltem sustinendae opio. ε) Denique a diuturnitate morbi remanens sphincterum et valvularum laxitas, expulsa nempe satis, quae morbum initio fouebat, saburra, feliciter cedit stomachicis et adstringentibus; sic data tempore prosunt, et data non apto tempore quaeque nocent.



II. Vires retentrices si laesae sint, elasticitas solidorum multum imminuta, roburque vitale deficiat: tum in auxilium vocanda, quae roborant, leniter serum vitiosum euacuant, nec tamen vires infringunt, sed amice restaurant potius, quales indicationes obcurrunt in diarrhaea serosa. Rheum, Myrobalani, Terra Catechu; Cinnamomum, Nux moschata tosta etc. cum Diascordio, Pillulis de Cynogloso hic egregia, prout vel eliminare adhuc vel robur flaccidis fibris adesse aut omnino conpescere fluxum e re fuerit.

Atque haec in genere de cura pharmaceutica sufficiant; auxilia diaetetica et gymnastica non minoris sunt utilitatis: 1. Quies corporis et animi caute concilianda, et si motus tamen sit concedendus aliquis, quam lenissime is instituat, oportet, habita semper adcurata adtentione virium et dolorum concomitantium. 2. Frigus arcendum sancte; hinc pedes maxime ab eodem et humiditate praemuniantur pannis laneis ficcis, calidis. Cutis enim laxitas, ut ait Hippocrates, alui ficcitatem inducit, et cutis ficcitas aluum laxat. 3. In diaeta euitetur cibus copiosior et digestu difficilior; sed vinosa, spirituosa ut et succi fructuum saponacei, acescentes et herbarum oleracearum, aut roborantia, quando sint suadenda, hoc facile ex cognita morbi causa dici poterit.

